

Ашуро куни аҳлига кенглик қилиш



10:00 / 16 июль 9649

عَسَوْ وَنَمْ : لَأَقِ أَمَّ لَسَوْ وَهَيْ لَعُهُ لَلَّ لَأِ لَّ لَ لَأِ لُ سَرَّ نَأُ ، هَرَّ زَيْ رُهُ يَبَأُ نَعْ
هُ (اور) . "وَتَنَسَّرَ اَسْرَهُ هَيْ لَعُهُ لَلَّ لَأِ لُ عَسَوْ ، اَرُوشَاعَ مَوْيِ وَلَهُ اَوْ لَوَّ اِي عَ لَعْ
(نامي اِلَا بَعْش يَف يِقْه ي لَل)

Абу Хурайра розияллоҳу анҳудан ривоят қилинади: «Расулуллоҳ солаллоҳу алайҳи васаллам: **“Ким Ашуро кунида аҳли-аёлига кенглик қилса, Аллоҳ таоло унга йилнинг қолганини кенг қилади»,** дедилар». *Имом Байҳақий «Шуабул-иймон» китобида ривоят қилган.*

«Кашфул хофая» китобида шундай дейилган: Имом Ҳофиз Суютий раҳматуллоҳи алайҳ «ад-Дурарул-мунтасир» китобида бу ҳадисни саҳиҳ собит бўлган, деган. Имом Байҳақий «Шуабул-иймон» китобида Абу Саид Худрий, Абу Хурайра, Абдуллоҳ ибн Масъуд ва Жобир розияллоҳу анҳумлардан заиф санадлар билан ривоят қилган. Булар бир бирига қўшиладиган бўлса, қувватланади.

«Кенгчилик қилиш» ҳадисини ишончли ровийлар ривоят қилишган. Ҳа, кенгчилик қилиш ҳадиси худди Ҳофиз Суютий айтганларидек, саҳиҳ собит бўлган. (*Ҳошияту ибн Обидийн, 3-жилд, 457-бет*).

وَوَيْلٌ لِّلَّذِينَ يَلْمِزُونَ الْمُطَّوِّعِينَ وَآلِ الْمُؤْمِنِينَ فِي شَأْنِ النَّفْسِ الْمَخْتَلِعَةِ لِغُلَامٍ مُّذَنَّبٍ أَتَىٰ مَوْلَاهُ يَدْعُو بِهِ كَذَّبُوا عَنِ الصُّورِ فَذٰلِكَ فَتَنًا ۗ وَلِلَّهِ آيَاتٌ لِّقَوْمٍ يَعْلَمُونَ (نَزَرُ هَاوِرًا) . "وَتَنَسَّ رِئَاسَ"

Абдуллоҳ ибн Масъуд розияллоҳу анҳудан ривоят қилинади: Расулуллоҳ соллаллоҳу алайҳи васаллам: **«Ким Ашуро куни аҳли-аёлига нафақада кенгчилик қилса, Аллоҳ унга йилнинг қолганини кенг қилади»**, дедилар. *Имом Розийн ривоят қилган.*

Суфён айтди: «Биз буни тажриба қилиб кўрдик ва ана шундай бўлишини топдик». Суфёндан мурод Суфён Саврийдир. Чунки муҳаддислар истилоҳида Суфён мутлақ айтилса, Суфён Саврий назарда тутилган бўлади. Имом Байҳақий ҳам «Шуабул-иймон»да Абдуллоҳ ибн Масъуд, Абу Хурайра, Абу Саид ва Жобир розияллоҳу анҳумлардан ривоят қилган. Байҳақий ўзи ривоят қилган ҳадисни заиф санаган.

Мирк (яъни, Миркалон) раҳматуллоҳи алайҳ Мунзирийнинг «Ат-Тарғиб» китобидан нақл қилиб, шундай деган: «Албатта, бу ҳадиси шарифни Байҳақий бир нечта туруқлар (йўллари) билан саҳобалар жамоасидан ривоят қилган. Агарчи бу санадлар заиф бўлса-да, баъзиси бошқасига қўшилиши билан қувватланади».

Ироқий айтади: «Бу ҳадиснинг бир қанча туруқлари (йўллари) бор. Унинг баъзиларига саҳиҳ деб қарор берилган. Баъзиларига эса, Муслимнинг шартига кўра саҳиҳ дейилган. Аммо Ашуро кунида рўза тутиш ва кенгчилик яратишдан бошқа амалларнинг асли йўқдир. Жумладан, сурма қўйиш ҳадиси ҳам асли йўқ ҳадисдир». (Алий Қорий, Мирқотул Мафотих, 4-жилд, 1349-бет).

Суфён ибн Уяйна: «Биз буни эллик ёки олтмиш йил тажриба қилиб кўрдик ва фақатгина яхшилик кўрдик».

«Ал-Муҳит» китобида шундай дейилган: Жобир раҳматуллоҳи алайҳ: «Мен қирқ йил тажриба қилдим, бўлмай қолмади», деган.

Аммо кенгчилик яратишдан бошқа ишларни, яъни Ашуро куни кундузи ёки кечаси байрам қилиш, сурма қўйиш, бўяниш каби ишларни жумҳур фуқаҳолар – ҳанафий, моликий, шофиъий ва ҳанбалийлар бидъат деганлар. Бу ишларнинг бирортаси мустаҳаб эмасдир. Бу ҳақда келтирилган ривоятлар бидъатчиларнинг тўқиб чиқарган бидъатлари бўлиб, улар бу амалларни ўзларининг бидъатларини қўллаб-қувватлаш учун тўқиганлар. (Мавсуатул фикҳийя, 29 жилд, 221-бет).

Имом Байҳақий «**Ким ашуро куни исмид сурмасини қўйса, ҳеч қачон кўзи оғримайди**» ҳадисини заиф деб ривоят қилган. Лекин бу ҳадисни имом Ҳоким раҳматуллоҳи алайҳ мункар ҳадис деган. Ибнул Жавзий бу ҳадисни мавзуот, яъни тўқима ҳадислар ичида келтирган. (Ҳошияту ибн Обидийн).

Шунинг учун Ашуро куни бундай ишларни қилиш бидъат ҳисобланади. Аммо юқорида келтирилган ҳадисга биноан, Ашуро куни оиласига кенгчилик қилса, бозорлик қилиб, рўзғорини бут қилиб олса, йилнинг қолган ойлари ҳам баракатли бўлиши умид қилинади.

Қудратуллоҳ Сидиқметов